

Arkiv: FA-K40
JournalpostID: <jplD> 20/30764
Saksbehandlar:
Dato: 29.05.2020

Saksframlegg

Saksnr.	Utvalg	Møtedato
	Alver kommunestyre	
095/20	Utval for areal, plan og miljø	10.06.2020

Forskrift om jakt og fastsetting av minsteareal som grunnlag for tildeling av fellingsløyve på hjort, Alver kommune, Vestland
RÅDMANNEN SITT FRAMLEGG TIL VEDTAK:

«Forskrift om jakt og fastetting av minsteareal som grunnlag for tildeling av fellingsløyve på hjort, Alver kommune, Vestland» vert godkjent slik den ligg føre.

Vedtaket har heimel i Forskrift om forvaltning av hjortevilt §§5 og 6.

Utval for areal, plan og miljø 10.06.2020:

Behandling:

Rådmannen sitt framlegg vart samrøystes vedteke.

APM- 095/20 Vedtak:

«Forskrift om jakt og fastetting av minsteareal som grunnlag for tildeling av fellingsløyve på hjort, Alver kommune, Vestland» vert godkjent slik den ligg føre.

Vedtaket har heimel i Forskrift om forvaltning av hjortevilt §§5 og 6.

Politisk handsaming

Saka skal til innstilling i Utval for areal, plan og miljø.
Saka skal avgjerast i kommunestyret.

Saka gjeld

I høve etableringa av Alver kommune må det skrivast ny forskrift som opnar for hjortejakt i

Alver kommune og som fastset minsteareal ved tildeling av fellingsløyver på hjort.

Saka har vore sendt på høyring med høyringsfrist 28.mai 2020.Utkast til forskrift vart sendt på høyring til alle valdleiarar i Alver kommune, til dei lokale bondelaga, til Nordhordland Skogeigarlag og Nordhordland Jakt og fiskelag. I dag, 29.mai 2020, er det kome inn 6 høyringsuttalar. Dei fleste støttar administrasjonen sitt framlegg til vedtak. Ytterpunkta kjem frå nordre Radøy der dei er tydeleg på at minstearealet må ned og valdleiarane i ndre delar av Lindås som meiner at minstearealet må hevast.

Minstearealet er det arealet som krevs pr hjortedyr ein kan få løyve til å fella. Tellande areal varierer med det enkelte vald si geografiske utbreiing og såleis tal tildelte fellingsløyver. Kommunal viltforvaltning har ein fleksibilitet knytta til tildeling av løyver i «50 % - regelen». Kommunal viltforvaltning kan heve og senke tal løyver inntil 50 % av minstearealet utifrå tidlegare avskytings-%, lokalkunnskap om skader på innmark og skog og andre indikatorar for utviklinga i hjortebestanden.

Minsteareal i 2019		Forslått minsteareal i ny forskrift frå 2020	
Meland	400		400
Lindås	1 500		500
Radøy, sør	750		600
Radøy, nord	400		350

I tidlegare Meland kommune er minstearealet uendra. Og det er ikkje kome innspel frå denne delen av kommunen. Administrasjonen oppfattar dette som ei stilltiande aksept for forskrifta.

I tidlegare Lindås kommune (minus den delen som var vestom Alversundbrua) er det foreslått å senka minstearealet frå 1 500 dekar til 500 dekar. Det kan framstå som dramatisk. Realiteten er at viltforvaltninga i kommunen har gått langt utover 50 % - regelen når ein har sett behovet for det. I dei områda/valda med mest hjort har det vore gjeve fellingsløyver som om det faktisk var 500 som var minstearealet. Samstundes har det offesielle minstearealet vore 1 500 dekar og ein har dermed sikra seg at det ikkje har vorte etablert særsmå vald som gjer det vanskeleg å utøve ei fornøfflig viltforvaltning. Sjølv om minstearealet no formelt vert sett ned frå 1 500 dekar til 500 dekar så er det på langt nær automatikk i at ein kan opprette sine egne minivald viss ein har over 500 dekar. Dette fordi kommunen skal godkjenne alle nye vald eller endringar i eksisterande vald jfr § 11 i Forskrift om forvaltning av hjortevilt.

I tidlegare Radøy kommune er det stor geografisk skilnad på hjortebestanden. Og ikkje minst kor den gjer mest skade. På nordre del av Radøy er det særskild aktivt landbruksdrift med mykje skade av hjort, både på innmarka og på skogen. I sørre delen av øya er bestanden noko mindre. Dette syner også avskytinga dei siste åra. Difor er det i forskifta lagt opp eit ei differensiering av minstearealet på Radøy.

Vurdering

Status/utviklingstrekk for hjortebestanden.

Som det framkjem av innspel er det usemje om kva som er status for hjortebestanden i Alver kommune. Nokre innspel seier at det det aldri har vore meir hjort, medan andre på det sterkaste hevdar at det finns det ikkje grunnlag for å seie dette utifrå vårtellinga og elles lite statistikk å bygge påstanden på. Felles uttale frå vallemenn i indre /austre del av tidlegare Lindås kommune tek til orde for akkurat det.

Det som er heilt sikkert er at det aldri har vore skote so mykje hjort i Nordhordland som i 2019. Rett nok gjekk avskytings-% ned frå 2018 til 2019 frå 84% frå 77% i 2019. Årsaka var at det vart gjeve fellingsløyve på totalt 111 fleire hjortedyr, medan avskytinga auka med berre 26 dyr. Er det ynskje om å ta ut meir dyr er det viktig å søkje samarbeid i større einingar/vald.

Kommunen har eit stort handlingsrom i 50 % - regelen. Ein kan både auka og minke arealkravet med 50 % i høve til gjeldande minsteareal avhengig status for stammen og skader i det enkelte vald.

Stor geografisk variasjon

Ein opplever at det er stor geografisk variasjon i hjortebestanden i Alver kommune. Ein av indikatorane er avlingstap i grasproduksjonen som følgje av beiting av hjort og skade på skogen. Forskrifta tek høgde for dette.

Interessekonflikter

Ein opplever interessekonflikter knytta til kva som er rett bestandsstorleik. Dei som driv ein omfattande grovfôrproduksjon, med ein tilsvarande stor husdyrproduksjon av kjøt og mjølk, er tydelig på at hjortebestanden er for stor. Det er kome inn berekningar som syner at ein enkelt bonde på Straume på Radøy tapar ca kr 150.000 pr år i avlingstap til hjorten. Det er alvorleg mykje og ein har stor forståing for frustrasjon rundt tapet. I dette området er det fleire som satsar på ei framtid som heiltidsbønder med store investeringar i moderne mjølk –og kjøttproduksjon. Den kommunale viltforvaltninga skal prøve å ta omsyn til naturmangfaldet

og hjorten sin eigenverdi, rekreasjon, friluftsliv, sal av hjorteløyver, jordbruket og skogbruket. Landbruket er ei viktig næring i Alver kommune, både i form av sysselsetting, matproduksjon og produksjon av kulturlandskapet. Alver kommune ynskjer å bidra til at hjorteskadane er på eit så lågt nivå at det skal vera mulig å vera heiltidsbonde for dei som ynskjer det.

Det er kome inn forslag på å gå ytterlegare ned med minstearealet i eit mindre område på nordre Radøy. Heilt ned til 300 dekar. Dette som eit tiltak for å redusera lokalt store avlingsskadar. Administrasjonen meiner at ein har tatt ned minstearealet i dei mest utsatte områda tilstrekkeleg. Men eit anna verkemiddel som den kommunale viltforvaltninga vil ta i bruk er kjønssamensetninga i dei fellingsløyva som vert gjeve. Vidare er det viktig at grunneigarane søker samarbeid for å auka fellings-%. Eit nytt tiltak som administrasjonen vil sjå nærare på er effekten av bruk av gjerder i vekstsesongen for å halde hjorten borte frå innmarka. Her har ein hatt gode erfaringar frå Danmark og Tyskland.

Konklusjonen er at administrasjonen held fast på sitt framlegg til ny forskrift.